


Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

AKT PËRCJELLËS

Për:	Menaxherin e prokurimit Komuna Gjilan	Kopje:	Paneli Shqyrtues - OSHP
Prej:	Visar Basha – Ekspert shqyrtues i prokurimit 		
Lënda:	Ekspertiza lidhur me Ankesën Nr. 47/17 e OE “Albkos International” – Fushë Kosovë.		
Datë:	15.03.2017		

Bazuar në nenin 114 të Ligjit Nr. 04/L-042 të Prokurimit Publik të Kosovës ju njoftojmë me raportin e ekspertizës, lidhur me ankesën e parashtruar me dt: 16.02.2017 me Nr. 47/17 nga OE “Albkos International” – Fushë Kosovë, për shqyrtimin e lëndës: “Furnizim me pajisje të aksidenteve të komunikacionit rrugor për nevoja të zjarrfikësve” me numër të prokurimit GL651/16/074/121, të iniciuar nga Autoriteti Kontraktues (AK) – Komuna Gjilan.


AK është i thirrur që pas marrjes së raportit të ekspertit shqyrtues lidhur me këtë kërkesë, të veprojë sipas kërkesave të nenit 115 të LPP-së.

Të bashkangjitur gjeni raportin e ekspertit shqyrtues.

Ti dorëzohet:

- Autoritetit Kontraktues – **KOMUNA GJILAN.**
- Panelit Shqyrtues – **OSHP.**
- OE ankues – **ALBKOS.**

RAPORTI I EKSPERTIT SHQYRTUES

	07.03.2017	07.03.2017	15.03.2017
<i>Nënshkrimi i ekspertit</i>	<i>Data e autorizimit të eksp.</i>	<i>Data e fillimit të ekspertizës</i>	<i>Data e dorëzimit të raportit</i>

N. 105, LPP - Baza ligjore e shqyrtimit

Me datën 16.02.2017, Organi Shqyrtues i Prokurimit ka pranuar ankesën me nr. 47/17 e parashtruar nga OE **"Albkos International"**, me seli në Fushë Kosovë, lidhur me aktivitetin e prokurimit: **"Furnizim me pajisje të aksidenteve të komunikacionit rrugor për nevoja të zjarrfikësve"** me numër të prokurimit GL651/16/074/121, të iniciuar nga Autoriteti Kontraktues (AK) – **Komuna Gjilan**.

Konform nenit 113 të Ligjit Nr. 04/L-042, Eksperti Shqyrtues e ka shqyrtuar dhe analizuar lëndën e (AK) – **Komunës së Gjilanit (KGJ)**.

N.111 i LPP-së - Operatori Ekonomik Ankues **"Albkos International"**, me seli në Fushë Kosovë.

Pikat e Ankesës nga OE "Albkos International" - dispozitat e shkelura nga Autoriteti Kontraktues:

- Neni 7 – Barazia në trajtim / jo Diskriminimi;
- Neni 53 – Sigurimi i informatave shtesë për kandidatët dhe tenderuesit;
- Neni 54 – Njoftimi i kandidateve dhe tenderuesve të eliminuar;
- Neni 59 – Ekzaminimi, vlerësimi dhe krahasimi i tenderëve.

Deklaratë detale mbi faktet dhe argumentet:

Pas pranimit të dosjes së tenderit me datë: 22.11.2016, kemi konstatuar që në përshkrim teknik ka disa paqartësi, prandaj me datë: 22.11.2016 kemi kërkuar sqarime me shkrim prepozicionet e paqarta (shih dokumentin e bashkangjitur Aneksi 5), megjithatë AK nuk ka dërguar të dhënat përkatësisht sqarimet e kërkuara duke shkelur nenin 53 të LPP-se - Sigurimi i informatave shtesë për kandidatët dhe tenderuesit.

Pavarësisht kësaj, ne kemi konkurruar në mënyrë të rregullt dhe deri më 01.02.2017, kur ne u bëmë faqen e KRPP-se, kemi parë njoftimin për nënshkrimin e kontratës dhe nuk kemi pasur asnjë informacion lidhur me këtë aktivitet të prokurimit, duke vepruar në kundërshtim me nenin 54 - Njoftimi i kandidateve dhe tenderuesve të eliminuar.

Edhe pse kemi dërguar kërkesën për rishqyrtim prapë nuk kemi marr përgjigje, për këtë arsye ju kemi drejtuar departamentit të monitorimit të tenderëve pran KRPP-se, nga të cilët kemi marr shpeshë ku na drejtojnë që të parashetrojmë ankesë pran OSHP-se. Duke pasur parasysh të gjitha këto shkelje ligjore të AK-se, kërkojmë që të anulohet vendimi i AK-se dhe lënda të kthehet në Ri-vlerësim dhe të përmbushen kushtet ligjore të LPP-se.

Procesi i prokurimit:

Data e njoftimit për kontratë në KRPP :	15.11.2016
Lloji i procedurës së aplikuar:.....	Procedurë e hapur
Lloji dhe vlera e kontratës së publikuar:	Furnizim/vlerë e mesme
Afati i fundit për dorëzimin e ofertave (gjithsejtë ditë):	25.11.2016
Data e hapjes së ofertave	25.11.2016-15:30 ^h
Kriter për dhënie të kontratës:.....	Tenderi i përgjegjshëm me çmim më të ulët
Lloji i kontratës:.....	Kontratë Publike

Kriteret për vlerësim**III.2)KUSHTET PËR PJESËMARRJE****III.2.1)Kërkesat e përshtatshmërisë:**

1. Deklarata nën betim, Zotimin e OE se i plotëson kërkesat për të konkurruar sipas Ligjit 04/L-042, Neni 65
2. Dëshminë se operatori ekonomik në fjalë nuk është me vonesë për pagimin e tatimeve së paku deri në tremujorin e fundit para dorëzimit të tenderit.
3. Dheshmi nga Gjykata që operatori nuk është i denuar apo nën hetime

Dëshmia e kërkuar dokumentare:

1. Deklarata nën betim që tenderuesi i plotëson kërkesat për të konkurruar sipas Ligjit 04/L-042, Neni 65 e nënshkruar dhe vulosur për secilin partner të një grupi operatorësh ekonomik(**formularin që është pjesë dosjes së tenderit**).
2. Një vërtetim i lëshuar nga administrata tatimore e vendit të themelimit të operatorit ekonomik, se operatori ekonomik në fjalë nuk është me vonesë për pagimin e tatimeve së paku deri në tremujorin e fundit para dorëzimit të tenderit (apo të ketë marrëveshje me ATK-n për riprogramim të borgjit) - **për operatorin ekonomik i cili propozohet të shpërblehet me kontratë duhet të dorëzoj origjinalin**

Vertetimin nga Gjykata që operatori nuk është i denuar apo nën hetime

III.2.2)Përshtatshmëria profesionale:

1. Certifikata e biznesit me letrat përcjellese dhe te ketë kodin e veprimtaris përkatëse
2. Certifikata e Nr fiskal

Dëshmia e kërkuar dokumentare:

1. Certifikata e biznesit me letrat përcjellese dhe te ketë kodin e veprimtaris përkatëse**Kopje**
2. Certifikata e Nr fiskal **Kopje**

III.2.3)Kapaciteti ekonomik dhe financiar**III.2.4)Kapaciteti teknik dhe profesional**

1. Paisjet duhet të jenë në baze të standarteve EN
2. Ofertuesi duhet të jetë i autorizuar nga prodhuesi për shitje
3. Garancioni i Prodhuesit

Dëshmia e kërkuar dokumentare

Raporti i ekspertit shqyrtues për lëndën: "Furnizim me pajisje të aksidenteve të komunikacionit rrugor për nevoja të zjarrfikësve" me numër të prokurimit GL651/16/074/121, të iniciuar nga Autoriteti Kontraktues (AK)

1. Certifikata EN per secilin produkt te paraqitur ne specifikacion Teknik
2. Autorizimin e prodhuesit per shitje te produkteve ose distributor i autorizuar
3. Deklarata e Prodhuessit per garancion dhe servisim të paisjve ne rast nevojje.

Regjistri i ofertuesve sipas procesverbalit të hapjes publike:

Nr	Operatoret ekonomik	Vendi	Çmimi total për njësi €	Vërejtje
1.	“Tekniku”	Gjakovë	36,152.08€	JO
2.	“Albkos”	Fushë Kosovë	36,441.90€	JO
3.	“Pastor Kosova”	Prishtinë	34,055.42€	JO

Komisioni vlerësues pranë AK:

Përbërja dhe kualifikimi i komisionit vlerësues.

Autoriteti Kontraktues për vlerësimin e tenderëve ka caktuar komisionin në përbërje prej tre anëtarëve, si në vijim:

- - Kryetar i komisionit
- - Anëtar i komisionit
- - Anëtar i komisionit

Data e mbarimit të vlerësimit:00.00.0000

Data e nënshkrimit të raportit nga zyrtari kryesor i prokurimit: 00.00.0000

Data e njoftimit të Dhënies së Kontratës në faqen e Krpp-së : 00.00.0000

Sipas raportit të komisionit të vlerësimit ofertat të PËRGJEGJSHME janë:

Nr.	Emri i tenderuesit të Përgjegjshëm	Çmimi i ofruar	Radhitja sipas çmimit
1.			
2.			
3.			

Raporti i komisionit vlerësues:

Përgjigjet e ekspertit shqyrtues në lidhje me pretendimet ankimore të OE ankues:

Sqarimi nr.1

Eksperti shqyrtues, fillimisht sqaron se OE ankues, nuk ka pranuar letër standarde nga AK-Komuna e Gjilanit. Eksperti shqyrtues sqaron se mos dërgimi i letrës standarde përben shkelje të nenit 54 të LPP-se.

Ne lidhje me mos dërgimin e letrës standarde AK-ja, ka dhënë arsyetimin se, “për shkak të mbingarkesës së email-it”.

Ne ankesën e parashtruar në OSHP, OE ankues ka pretendime ankimore në lidhje me shkeljet procedurale pas fazës së vlerësimit, konkretisht për shkak të mosdërgimit të letrës standarde dhe gjithashtu pretendon se në fazën e kritereve kemi pasur paqartësi, në lidhje me kriteret për të cilën kemi kërkuar sqarime dhe njëherit pretendon se AK-ja, nuk i ka kthyer përgjigje.

Eksperti shqyrtues nuk mund të konstatojë pretendimin e lartpërmendur për faktin se AK-ja, nuk i ka sjell fare dokumentacionin dhe ofertat e OE-ve që kanë marr pjesë në këtë aktivitet të prokurimit.

Sqarimi nr.2

Eksperti shqyrtues, në vazhdim sqaron se pas pranimi të ankesës së OE ankues “Albkos”, OSHP-ja ka lëshuar vendimin për pezullim të këtij aktiviteti të prokurimit dhe me datën: 16.02.2017, AK-ja, e ka pranuar vendimin në fjalë për të cilin sipas dispozitave të LPP-se, AK-ja ka qene e obliguar ta zbatojë dhe të sjellë në OSHP ofertat e OE-ve pjesëmarrës në këtë aktivitet të prokurimit dhe dokumentacionin tjetër në lidhje me këtë aktivitet të prokurimit.

Autoriteti kontraktues – Komuna e Gjilanit, me datën: 20.02.2017, ka dërguar një shkresë – Njoftim, përmes email-it, në të cilin ka dhënë arsyetimin e pamundësisë së zbatimit të vendimit të pezullimit me nr. 47/17 për aktivitetin e prokurimit: **“Furnizim me pajisje të aksidenteve të komunikacionit rrugor për nevojat të zjarrfikësve”**, me numër të prokurimit GL651/16/074/121.

Në njoftimin e lartpërmendur AK-ja, deklaron se kontrata në fjalë është nënshkruar me datën: 04.01.2017 me OE “Pastor Kosova” dhe poashtu ka dhënë edhe arsyetimin e mosdërgimit të letrës standarde, siç u përmend edhe më lart.

Sqarimi nr.3

Eksperti shqyrtues, sqaron se fakti që AK-ja, nuk i ka dërguar letrën standarde OE ankues, i ka mohuar të drejtën e operatorit ekonomik për të ushtruar të drejtat e tij ligjore dhe njëherit sqaroi se OE ankues ka parashtruar kërkesë për rishqyrtim pran AK-se dhe nuk ka përgjigje – vendim të AK-se në lidhje me kërkesën për rishqyrtim. Poashtu, siç e kam konstatuar edhe më lart AK-ja, nuk i ka sjellë ofertat dhe dokumentacionin tjetër përcjellës në OSHP, sipas vendimit për pezullim të aktivitetit të prokurimit. Prandaj, duke u bazuar në shkeljet e lartpërmendura, eksperti shqyrtues, sqaron se ky aktivitet i prokurimit duhet të kthehet në rivlerësim dhe AK-ja, të respektojë në tërësi dispozitat e LPP-se.

Mendimi i ekspertit shqyrtues :

- Eksperti shqyrtues bazuar në konstatimet e cekura në ekspertizë mendon që Autoriteti Kontraktues – **Komuna Gjilan**, për aktivitetin e prokurimit “**Furnizim me pajisje të aksidenteve të komunikacionit rrugor për nevoja të zjarrfikësve**” me numër të prokurimit GL651/16/074/121, nuk i ka respektuar në tërësi dispozitat e LPP-së.
- Prandaj eksperti shqyrtues i propozon panelit shqyrtues që ta anulojë vendimin e AK-së për dhënie të kontratës dhe propozon që ky aktivitet i prokurimit të **Rivlerësohet** dhe njëherit i propozon panelit shqyrtues që ankesa e OE ankues të aprovohet si e bazuar.